

Osman Topčagić, direktor DEI BiH

# Obrazovanjem do EU

Direktor Direkcije za evropske integracije BiH Osman Topčagić smatra da je uloga obrazovanja u procesu evropskih integracija izuzetno važna, te dodaje da bi obrazovanje trebalo da preuzme dio poslova na putu ka EU i djeluje kao partner institucijama koje vode taj proces.

"To je ambijent koji treba da stvori odgovarajuću evropsku diskusiju u BiH i pomogne institucijama koje vode ovaj proces da se naše pozicije osmišljavaju na kvalitetan način", rekao je Topčagić Srni jučer u Sarajevu.

On je naglasio da obrazovanje, kada je to potrebno, treba da djeluje i kao kritični faktor i utiče na izmjene odluka i politika, a koje treba



Osman Topčagić

mijenjati i prilagođavati na evroatlanskom putu. Topčagić je napomenuo da bi obrazovanje u BiH moglo da

ima veću ulogu u ovom procesu na svim nivoima.

"Volio bih da vidim više diplomskih, magistarskih i doktorskih radova na teme vezane za proces evropskih integracija. To će onda stvarati jezgru koja će preuzeti poslove tokom pregovora ka punopravnom članstvu EU", rekao je Topčagić, koji je jučer govorio na Forumu mladih o temi "Visoko obrazovanje u BiH u daljem procesu evropskih integracija - mogućnosti i perspektive".

Forum mladih je održan u okviru Drugog kongresa bosanskohercegovačkih naučnika iz zemlje i svijeta, a u organizaciji Ministarstva za ljudska prava i izbjeglice BiH i Ministarstva obrazovanja i nauke Kantona Sarajevo.